

Novas Aradidarum species

descripsit Dr. E. Bergroth.

I. *Brachyrrhynchus gradatus* n. sp.

Ovalis, depressus, nigro-fuscus, ventre piceo, limbis posticis segmentorum connexivi et macula parva pone angulum apicalem corii ochraceis. Caput procerum, latitudine sua multo longius, processu antico articulum primum antennarum paullo superante, apice obtuso, vix inciso, spinis antenniferis acutiusculis, medium articuli antennarum primi haud attingentibus, dentibus postocularibus minutis, oculos haud superantibus. Antennae sat graciles, articulo secundo primo paullo breviore (art. duo ultimi desunt). Pronotum basi latissime et levissime sinuatum, lateribus instar scalarum bigradatum, lobo antico nempe postico multo angustiore, sat acute quadricalloso, lateribus parallelis rectis, angulis anticis late rotundatis, lobo postico antico longitudine aequali, minute dense granulato, lateribus parallelis rectis. Scutellum triangulare, subaequilaterum, apice obtusum, mox intra angulos basales tuberculo ochraceo praeditum. Corium scutello multo longius, angulo apicali rotundato, margine apicali intus leviter sinuato; membrana subhyalina, limbo nitido, nervis fuscis. Venter subplanus, segmento quinto in mare margine postico medio utrinque leviter subdentato-prominulo. Femora elongata, subclavato-incrassata. Long. ♂ 6·4 mm.

Patria: Brasilia (Petropolis, m. Januario: Dr. F. Sahlberg). — Coll. J. Sahlb.

Structura pronoti, capite longo, scutello basi bituberculato inter affines insignis.

2. *Brachyrrhynchus Horvathi* n. sp.

Elongatus, parallelus, depressus, fusco-piceus, ventre medio pallidiore. Caput longitudine sua paullo latius, processu apicali apice obtuso, vix inciso, medium articuli antennarum primi paullo superante, spinis antenniferis brevibus, medium articuli primi antennarum haud attingentibus, dentibus postocularibus oculos vix superantibus. Antennae capite dimidio longiores, articulo primo clavato, secundo primo breviore, tertio secundo nonnihil longiore, quarto secundo paullo breviore. Pronotum antrorsum angustatum, basi rectum, lateribus ante medium sinuatis, angulis anticis rotundatis, disco medio trans-

versim late impresso, lobo antico quadricalloso, callis exteriores magis distinctis, interioribus planiusculis, minus elevatis. Scutellum carina media longitudinali instructum. Hemelytra abdomine multo breviora, corio scutello multo longiore, angulo apicali subrotundato, margine apicali subrecto, membrana subnitida, paullo infuscata, basi pallescente, nervis fuscis. Venter planiusculus, segmentis tertio et quarto linea transversa impressa dimidiatis, hac linea latera abdominis versus desinente. Pedes breviusculi, femoribus nonnihil incrassatis. Long. ♀ 6 mm.

Patria: Brasilia (Petropolis, m. Januar. Dr. F. Sahlberg). — Coll. J. Sahlb.

A *B. Reuteri* Bergr., cui affinis est, structura pronoti mox distinguendus.

Hemipterologo praestantissimo Dri G. Horváth dicatus.

3. *Pictinus hirticornis* n. sp.

Oblongus, antrorum aliquantum angustatus, piceo-ferrugineus, ochraceo-conspersulus. Caput parce pallide pubescens, latitudine paullo longius, basi ultra oculos paullo prominens, processu apicali brevissimo, subconico, tuberculis antenniferis perbrevibus, extus valde obtusis. Antennae capite duplo longiores, crassae, dense fusco-hirsutae, articulo secundo primo fere duplo breviore, tertio secundo triplo fere longiore, quarto tertio saltem duplo breviore, Pronotum subochraceo-pubescent, apicem versus nonnihil angustatum et declive, lateribus paullo ante medium leviter sinuatis, angulis anticis obtusis, margine apicali et basali recto, hoc mox intra angulos posticos retrorsum levissime obtuse prominulo, disco paullo ante medium transversim impresso, lobo antico minus distincte quadricallosulo, lateribus apicem versus nonnihil convergentibus, lobo postico granulato, lateribus obtusangulariter subrotundatis. Scutellum parce pilosellum, ruga media longitudinali ochracea praeditum, lateribus leviter elevatis. Mesosternum et metasternum medio rotundatim impressa. Corium scutello multo longius, angulo apicali acuto, margine apicali subrecto; membrana subopaca, subfuscoc-lignea. Abdomen secundum marginem parce breviter pilosulum, limbis posticis segmentorum connexivi superne ochraceis, connexivo subtus toto subochraceo, ventre sat convexo, subglabro, medio vittis duabus longitudinalibus ochraceis

ad basin cujusque segmenti anguste cohaerentibus et aliquantum extra has vittas macula ochracea in quoque segmento signato. Valvulae genitales (♀) remote pilosulae. Pedes subtilius pilosi. Long. $\text{♀ } 5.5 \text{ mm.}$

Patria: Brasilia (Boa Sorta, m. Novembri: Dr. F. Sahlberg). — Coll. J. Sahlb.

P. piloso Bergr. proximus, sed antennarum structura et earum pilositate densiore, pronoto basi minus elevato et antice multo minus angustato picturaque ventris distinctissimus.

4. *Ctenoneurus necopinatus* n. sp.

Elongatus, subparallelus, antrorsum levissime angustatus, opacus, minute granulatus, niger. Caput latitudine paullo longius, processu apicali subconico, medium articuli primi antennarum superante, apice obtuso, vix inciso, spinis antenniferis breviusculis, apice subobtusis, medium articuli antennarum primi non attingentibus, dentibus postocularibus obsoletis, rostro sulcum suum paullo superante; antennae capite nonnihil longiores, articulo secundo primo breviore, tertio secundo aequilongo, quarto tertio sublongiore. Pronotum caput longitudine aequans, basi capite fere duplo latius, apicem versus nonnihil angustatum, margine antico subrecto, margine basali ante scutellum truncato, lateribus leviter rotundatis, haud sinuatis, angulis anticis obtusis, angulis posticis retrorsum paullo lobulato-prominulis, disco antice obsolete quadricalloso, medio transversim late leviter mox intra latera distinctius impresso. Scutellum sat longum, lateribus basin versus late levissime sinuatis, disco carina media longitudinali debili instructo. Hemelytra basin segmenti ultimi abdominalis superantia, corio scutello paullo longiore, angulo apicali oblique praemorso, margine apicali bisinuato, membrana nervosa, nigra, basi maculis duabus subconfluentibus sordide luteis notata. Long. ♂ 5.7 mm.

Patria: Insula St. Thomas. — Coll. Lethierry et mea.

Necopinatum sane est, speciem generis *Ctenoneuri* Bergr., utpote cujus duae tantum species e Nova Zelandia et Nova Caledonia adhuc cognitae fuerint, etiam in insulis Antillarum habitare.

5. *Neuroctenus frugalis* n. sp.

Elongatus, opacus, fusco-niger, abdomine piceo-ferrugineo. Caput pronotum longitudine subaequans, processu antico apice inciso, spinis antenniferis brevibus, quadrantem basalem articuli primi antennarum haud superantibus, extus parallelis, dentibus postocularibus obsoletis; antennae capite dimidio longiores, articulo primo ceteris crassiore, processum apicalem capitis evidenter superante, articulo secundo primo paullo breviore, tertio secundo parum longiore, quarto tertio distinete breviore. Pronotum medio transversim impressum et latera versus utrinque longitudinaliter bi-impressulum, margine antico late aequaliter sinuato, margine basali ante scutellum recto, lateribus ante medium levissime sinuatis, angulis anticis haud rotundatis, posticis retrorsum lobato-prominulis. Corium scutello nonnihil longius, margine apicali bisinuato; membrana subfusco-hyalina, basi maculis duabus luteis notata, macula exteriore minus distincta, nervis fusco-nigris. Pedes breviusculi. Long. ♂ 6·2 mm.

Mas: segmento quinto ventrali margine apicali late sinuato, medio recto.

Patria: Brasilia. — Coll. Lethierryi et mea.

N. punctulato Burm. similis et affinis, sed imprimis antennis brevioribus corioque apice bisinuato distinctus.

6. *Aneurus dissimilis* n. sp.

Elongatus, antrorum leviter angustatus, subnitidus, piceus, abdomine magis rufescente. Caput pronoto brevius, tuberculis antenniferis obtusiusculis, antennarum articulis tribus primis longitudine subaequalibus, articulo primo crasso obovato, apicem capitis vix attingente, secundo et tertio anguste obconicis, quarto tertio duplo longiore, anguste fusiformi, dimidio apicali parce piloso. Pronotum medio transversim impressum, lobo antico callo ~-formi praedito. Scutellum subrugosum, triangulare, apice haud rotundatum, lateribus subrectis. Pedes mediocres, femoribus elongatis. Long. ♀ 5 mm.

Patria: Brasilia (Botafogo: D. van Volxem). — Mus. Bruxell., Coll. Lethierryi et mea.

Scutello triangulari ab omnibus ceteris speciebus facilime distinctus.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Zeitung](#)

Jahr/Year: 1889

Band/Volume: [8](#)

Autor(en)/Author(s): Bergroth Ernst Ewald [Evald]

Artikel/Article: [Novas Aradidarum species. 49-52](#)